

ՍՈՖՅԱ ԱՎԱԳՅԱՆ

ՆՈՒՅՆԱԿԱՆԱՑՈՒՄԸ ԻԲՐԵՎ ԲԱՂԱԲԱԿԱՆ ԼԻԴԵՐԻ
ԱՆՁԻ ՁԵՎԱՎՈՐՄԱՆ ԱՌԱՆՑՔԱՅԻՆ ԳՈՐԾՈՆ
(Ի.ՍՏԱԼԻՆԻ ՕՐԻՆԱԿՈՎ)

Իոսիֆ Ջուղաշվիլին դեռևս Թիֆլիսում ծավալած իր ընդհատակյա գործունեության ժամանակ և արդեն դրանից հետո Լենինի ծրագրի կրակոտ երկրպագուներից էր և առիթը բաց չէր թողնում մամուլում նրան քննադատողների դեմ համառ պայքար մղելու համար: Բուքարիսիից գրած նամակներում Ջուղաշվիլին ներկայանում է իբրև զմայլված աշակերտ, որի համար Լենինը մարքսիզմի գերագույն մեկնաբան է, «լեռների արծիվ» (այդպես է Ջուղաշվիլին անվանում Լենին իր նամակներից մեկում): Այստեղ էլ Ջուղաշվիլին գրավեց Լենինի՝ մարքսիզմի ռազմատենչ մեկնաբանությունը. նա մարքսիստ էր ոչ թե խաղաղ մտավորական տիպի, ինչպիսին էր Պլեխանովը, այլ ատելությամբ վառված մարդ, որը ժողովրդին կոչ էր անում պայքարելու ցարիզմի դեմ հանում սոցիալիզմի [8]:

Ո՞վ էր այդ մարդը, որն այդպես գրավել էր Ջուղաշվիլին, որի հեղինակությունը աներկբայորեն ընդունված էր: Խորհրդային գրականության մեջ Լենինը ներկայացված է իբրև առաքինի, ինտելիգենտ, բարության և մարդասիրության խորհրդանիշ, երկրպագության արժանի կերպար: Սակայն խորհրդային Միության փլուզումից հետո հասու դարձան արխիվային նյութերը, որոնք նորովի լույս սփռեցին բոլշևիկյան շարժման և դրա առաջնորդի իրական կերպարի վրա:

Այսպես, ժամանակակիցներից մեկի՝ Գ.Ա.Սոլոմոնի¹ վկայությամբ Լենինը «բարձրահասակ չէր, դեմքը տհաճ, վանող արտահայտություն ուներ... Նա շատ վատ հոնետոր էր, առանց տաղանդի դույզն ինչ կայծի... Նա մեծ դեմոգոգ էր... Լենինը շատ հետաքրքիր գրուցակից էր մեծ ժողովներում, երբ նա ամբիոնում

¹ Գ.Ա.Սոլոմոնը (ծնվ. 1868թ.) 19-րդ դարի վերջերի և 20-րդ դարի առաջին տասնամյակի Ռուսաստանի սոցիալ-դեմոկրատական շարժման ակտիվ մասնակիցներից էր: Հոկտեմբերյան հեղաշրջումից հետո արտասահմանից վերադառնում է Ռուսաստան և նոր կառավարությունում զբաղեցնում մի շարք պաշտոններ Արտաքին գործերի և Արտաքին առևտրի կոմիսարիատներում: Սակայն նա չէր ընդունում բոլշևիկյան գաղափարախոսությունը և ԲԳԿ(բ) ծրագիրը, ինչի մասին բացահայտորեն ասում էր Լենինին: 1922թ. ընդհատելով իր բոլոր կապերը Լենինի կառավարության հետ՝ մնում է արտասահմանում:

կանգնած չէր և իրեն հատուկ ծնով չէր ընդհատում՝ նույնիսկ գործի դնելով իր հակառակորդին վիրավորելու անհարիր միջոցները։ Ծեր առաջ խելացի, բազմակողմանի կրթված մարդ էր, որն աչքի էր ընկնում հնարամտությամբ։ Ճիշտ է, նրա հետ ավելի մտերիմ ծանոթության դեպքում դուք հեշտությամբ նկատում էիք նաև նրա թույլ, ուղղակի ասեմ, պարզապես զգվելի կողմերը։ Ամենից առաջ վանում էր նրա կոպտությունը, միախառնված անանցանելի ինքնագոհունակությամբ, զրուցակցի նկատմամբ քամահրանքով և ինչ-որ (այլ բառ չեմ գտնում) «թրոգականությամբ» զրուցակցի վրա, հատկապես այլախոհի և նրա հետ չհամաձայնողի և, ընդ որում, *թույլ. ոչ հնարամիտ, ոչ ծարպիկ մրցակցի* (ընդգծումը մերն է. – Ս.Ա.)... Նա չէր քաշվում բանավեճում լինել ոչ միայն ամբարտաճան և կոպիտ, այլև իրեն թույլ էր տալիս հակառակորդի հասցեին կտրուկ անձնական արտահայտություններ՝ հաճախ հասնելով նաև հայիոյանքի։ Այդ պատճառով էլ, որքան ես հիշում եմ, Լենինը *չուներ մտերիմ, երդվյալ ընկերներ* (ընդգծումը մերն է. – Ս.Ա.)... » [6]։ Դետաքքերական եմ մարդկային փոխհարաբերություններում Լենինի դրսևորած անձնային հատկանիշները։ Այս մասին Գ.Ա.Սոլոմոնը գրում է. «Լենինը հատկապես կոպիտ և անխնա էր թույլ մրցակիցների հետ. նրա «թրոգականությունը» մարդկային հոգու մեջ նման ընդդիմախոսների նկատմամբ հատկապես լկտի և զագրելի էր։ Նա ճղծիմաբար վայելում էր իր հակառակորդի անօգնականությունը և չարակամորեն ու ցուցադրաբար ցնծում էր նրա նկատմամբ իր հաղթանակից... Նրա մեջ չկար ոչ ուշադիր վերաբերմունք հակառակորդի տեսակետի նկատմամբ, ոչ պարտադիր քննալնություն... Սակայն գոնե մի քիչ ուժեղ, իրեն չենթարկվող հակառակորդներին Լենինը պարզապես տանել չէր կարողանում, նրանց նկատմամբ *հիշաչար էր* և ծայրահեղ *վրեժխնդիր*, հատկապես եթե մեկ անգամ նման հակառակորդը «նրան տեղն էր դրել»... Նա երբեք դա չէր մոռանում և մանրոգի քննախնդիր էր... Նա երբեք ուշադրություն չէր դարձնում ուրիշների տառապանքներին. նա պարզապես նրանց չէր նկատում և մնում էր նրանց նկատմամբ բացարձակապես անտարբեր» [6]։

Նմանատիպ կարծիք է հայտնում նաև Լենինի ժամանակակիցներից մեկ ուրիշը՝ Ա.Բ.Բալբաբանովան²։ Մասնավորապես, իր հուշերում նա գրում էր. «Լենինին պետք էին մասնակիցներ և ոչ թե զինակիցներ (ընդգծումը մերն է. Ս.Ա.)։ Դավատարմությունը նրա համար նշանակում էր բացարձակ վստահու-

² Ա.Բ.Բալբաբանովան (ծնվ. է 1878) հարել է սոցիալ-դեմոկրատական շարժմանը, մասնակցել է ռուսական և իտալական սոցիալիստական շարժումներին։ 1917թ. վերդառնալով Ռուսաստան՝ անդամագրվել է ՌՍԴԲԿ-ին։ Նրա քաղաքական հայացքները շատ հարցերում չէին համընկնում Լենինի հայացքներին։ 1921թ. Բալբաբանովան դուրս եկավ ԲԳԿ(բ)-ից և արտագաղթեց արտասահման։

թյուն, որ մարդը կկատարի բոլոր հրամանները, նույնիսկ այնպիսիները, որոնք մարդկային խղճի հետ հակասության մեջ են... Նա անհանդուրժող, համառ, դժժան և անարդար էր իր ընդդիմախոսների հետ շփումներում...» [10, էջ 29-30]: Լենինը նպատակին հասնելու համար միջոցների մեջ խտրականություն չէր դնում (դա վերաբերում է նաև մարդկային ռեսուրսների ընտրությանը), ինչպես արխիվային նյութերից է պարզվում, քրեական տարրերի ավազակային հարձակումներով լցնում էր կուսակցական բյուջեն: «Ցանկացած սրիկա կարող է մեզ համար օգտակար լինել նրանով, որ նա սրիկա է» [4]: Այս կարգախոսով էր առաջնորդվում բոլշևիկյան շարժման առաջնորդը իր քաղաքական գործունեության ընթացքում:

Կ.Ի.Ալեկսինսկայան գրում էր, որ «Լինելով ծայրահեղ նախանձոտ, նա չէր կարող թույլ տալ, որ որևէ մեկը՝ բացի իրենից, մնար հաղթող: Դժանությունը և չարությունը նրա մեջ արթնանում էին ցանկացած բանավեճում, նաև կրոկետ կամ ճատրակ խաղալիս, երբ նա պարտվում էր: Դրսևորել անկախություն, վիճել նրա հետ ցանկացած բանի շուրջ կամ հաղթել նրան կրոկետում նշանակում էր մեկընդմիշտ ծեռք բերել թշնամի ի դեմս Լենինի» [5]:

Պայքարի մեջ նա ընդունում էր միայն տոտալիտար, ամբողջատիրական աշխահայեցողություն և պահանջում էր, որ այդ համակարգը ընդունվի ամբողջությամբ առանց քայլ նահանջելու: Պայքարի մեջ և հեղափոխական նպատակներին հասնելու համար նա ընդունում էր բոլոր հնարավոր միջոցները: *Բարիք է ցանկացած բան, որ ծառայում է հեղափոխությանը, չարիք՝ դրան խանգարող ամեն ինչ*: Լենինին հատուկ էր իմպերիալիստական, դիկտատուրական մտածողություն: Նա բացառում էր դեմոկրատիան և մեծամասնության սկզբունքը և կառավարման մեջ ընդունում միայն ընտրյալների փոքրամասնություն: Նա հավատ չուներ մարդու հանդեպ, մարդու ներքին բովանդակության և վեհության հանդեպ, բայց դրա դիմաց նա ուներ խորին համոզմունք, որ հարկադրական հասարակական կազմակերպությունը կարող է ստեղծել ցանկացած տիպի նոր մարդու, բացարձակապես սոցիալական էակի, որն այլևս բռնության կարիքը չի ունենա: Նա անտարբեր էր մարդու հանդեպ և ուզում էր ստեղծել այնպիսի հասարակարգ, որտեղ մարդը ավելի լավ կապրի, որտեղ մարդը չի ծնվի մարդու կողմից. Լենինը աներկբայորեն հավատում էր պրոլետարիատի դիկտատուրային և համոզված էր պրոլետարիատի բացառիկ առաքելության մեջ: Նա որդեգրեց նոր հեղափոխական բարոյախոսություն, որը համապատասխանում էր նոր հոգեբանական տիպին և նոր ժամանակներին: նրա մեջ պակասեց մարդասիրությունը և ավելացավ դժանությունը [2]: Լենինը առաջնորդի այն տիպն էր, որն ուներ բռնատիրական իշխանություն, որ

խոսում էր զանգվածների շուրթերով և արհամարհում այդ նույն զանգված-ներից:

Հատկանշականն այն է, որ Լենինը հարկադրանքը նախատեսում է ոչ միայն բուրժուազիայի, այլև հենց իրեն դիկտատոր հռչակած պրոլետարիատի նկատմամբ: Սրա արդյունքում մարդիկ վերջապես կսովորեն ենթարկվել իրենց կողմից ընտրված խաղի կանոններին, հասարակական կյանքի նոր պայման-ներին, որից հետո ինքնընտրության կվերանա բռնությունը, պետությունը, և այստեղ կավարտվի դիկտատուրան: Մարքսիզմը համոզված էր, որ բարիքը կերտվում է չարիքի միջոցով, լույսը՝ խավարի [2]:

Տակերը նշում է, որ «հեղափոխական կուսակցության լենինյան դրույթը ոչ միայն համապատասխանում էր Ջուլաշվիլիի ռազմատենչ բնավորությանը, այլև նպաստում էր հոգեբանական տեսակետից ի հայտ եկող նոր զգացումի առաջացմանը՝ համերաշխության պահանջմունքին, ընտրյալների խմբին պատկանելու զգացողությանը» [8]: Սակայն հեղափոխական-համախոհների միացյալ, ընկերական հանրությունը գոյություն ուներ միայն թղթի վրա: Բայց նույնիսկ իբրև տեսական դրույթ՝ այն Ջուլաշվիլիի համար ծեռք բերեց մեծ նշանակություն, քանի որ այն բավարարում էր նրա ընդհանրության պահանջմունքը: Դա հենց այն մարտական միությունն էր, որի անդամների շարքին կարող էր նա հպարտորեն իրեն դասել: Այսպիսով, Ջուլաշվիլին Լենինի ուսմունքում տեսավ «ընդհանրության» դրույթը, որը «աշխարհիկ» կյանքով ապրող մարդկանց մեջ բավարարվել չէր կարող, քանի որ նրանց կողքին նա իրեն մեկուսացած ու օտար էր զգում, չէ՞ որ հենց ինքը ի սկզբանե իր համար նախանշել էր ուրիշ ճանապարհ, առաքելություն, որի համար, իր խորին համոզմամբ, նա ծնվել էր ու կոչված էր կատարելու այդ առաքելու-թյունը՝ նա Կոբան էր: Իր մտքերում, իր երազանքներում նա ներակայանում էր իբրև հերոս, որի առաջ բացվել է պայքարի ասպարեզը: Այդ տարիների նրա ընկերները և ականատեսները արտահայտում են միանգամայն նույնական կարծիքներ այն մասին, որ նա անսահման ցանկություն ուներ դառնալու հերոս զանգվածների համար, միևնույն ժամանակ բավական խոցելի էր և իր անծի մասին մեծ կարծիք ուներ [8]:

Վերլուծելով Ջուլաշվիլիի կյանքի հետագա ընթացքը և նրա վարքագիծը թե հեղափոխական գործունեության ընթացքում, թե քաղաքական իշխանությանը հասնելուց հետո՝ չենք կարող անտեսել այն հանգամանքը, որ, եթե մինչև այժմ Սոսոյի նույնականությունը տեղի էր ունենում հիմնականում գրական հերոսների կերպարների հետ, ապա այժմ նրա համար միանգամայն իրական էր դառնում միաժամանակ լինել և Կոբա, և մարքսիստ-հեղափոխական: Լենինի մեջ նա գտավ նոր կերպար, որը արժանի էր նմա-

նակման, ինչն էլ կանխորոշեց նրա հետագա կյանքի ամբողջ ընթացքը: Նա Լենինի մեջ տեսնում էր մեծագույն և անվախ մարտիկի, որը կոչ էր անում արդյունաբերական Ռուսաստանին պայքարի բուրժուական Ռուսաստանի դեմ: Հետագայում Ստալինն ինքը այսպես էր նկարագրում Լենինին. «Երբ ես նրան համեմատում էի մեր կուսակցության մյուս ղեկավարների հետ, ինձ անընդհատ թվում էր, որ Լենինի զինակիցները՝ Պլեխանովը, Մարտովը, Ալսեյրոդը և ուրիշները, մի գլուխ ցածր են Լենինից, որ Լենինը նրանց հետ համեմատած ոչ միայն ղեկավար է, այլև ղեկավար բարձրագույն տիպի, լեռների արծիվ, որը պայքարում չի ճանաչում վախ և որը խիզախորեն առաջ է տանում կուսակցությունը ռուս հեղափոխական շարժման անիմանալի ճանապարհներով» [7]: Այն որ Ջուլաշվիլին Լենինին համարում էր «լեռների արծիվ», ինչպես նա պատկերավոր արտահայտվում էր Լենինի մասին նաև իր մի շարք նամակներում, հիմք է տալիս մտածելու, որ իսկապես այդ ժամանակ Ջուլաշվիլին Լենինի մեջ տեսավ գրքային հերոսի իրական կերպար, որի համնարի ու մեծության շուրջ համախմբվում էր պայքարող-դասակարգը, ու որը մարմնավորում էր Առաջնորդին, նրան, ում կարելի էր նմանվել, ու որի դրոշի տակ նա պետք է իրականացներ Կոբայի իր առաքելությունը: 1905թ. գիտաժողովներից մեկի ժամանակ նա առաջին անգամ տեսավ Լենինին, որի մասին տպավորություններն այսպես էր նկարագրում. «Ես հույս ունեի տեսնելու մեր կուսակցության լեռների արծիվին, գերագույն մարդու, գերագույն ոչ միայն քաղաքականապես, այլև, եթե ուզում եք, ֆիզիկապես, քանի որ իմ երևակայության մեջ Լենինը պատկերվում էր հսկայի տեսքով: Եվ ինչպիսին էր իմ հիասթափությունը, երբ ես տեսա ամենասովորական մարդուն, որը միջինից ցածրահասակ էր, ոչնչով, բացառապես ոչնչով հասարակ մահկանացուներից չտարբերվող» [7]: Նրան հիասթափեցրեց նաև այն, որ Լենինը, ինչպես վայել էր գերագույն մարդուն, չեկավ ավելի ուշ, այլ նույնիսկ շուտ, և հանգիստ գրուցում էր շարքային պատվիրակների հետ: Եվ, ինչպես ինքն էր ասում, միայն հետագայում նա հասկացավ, որ այդ ձգտումը՝ ոչնչով աչքի չընկնել, չընդգծել իր բարձր կարգավիճակը «Լենինի ամենաուժեղ կողմերից մեկն էր՝ իբրև նոր զանգվածների նոր առաջնորդի, հասարակ և սովորական զանգվածների» [7]: Նման հիասթափություն ապրեց նաև սոցիալ-դեմոկրատ Տ.Ի.Ալեկսինսկայան. «Ընկալելով մարքսիստական դոկտրինը իր անդեմ մեթոդով՝ մենք, այնուամենայնիվ, առաջնորդի մեջ փնտրում էինք մարդու, որի մեջ միավորված լինեին Բակունինի խառնվածքը, Ատեփան Ռազինի խիզախությունը... Մեր առաջ չկար նման կենդանի կերպար, սակայն մենք ուզում էինք մարմնավերել այն ի դեմ Լենինի: Եվ երբ ես նրան առաջին անգամ տեսա 1906թ. Պետերբուրգում ցույցերից մեկում, ես սարսափելի անբարարված էի: Ինձ զարմացրեց ոչ թե

նրա արտաքինը... այլ այն, որ երբ գոռացին «Կազակները», նա առաջինը փախավ: Ես նայում էի նրա հետևից: Նա ցատկեց արգելքի վրայով, գլխարկն ընկավ գլխից: Այդ հիմար գլխարկի անկման հետ իմ երևակայության մեջ ընկավ նաև ինքը Լենինը... Փախավ միայն Լենինը» [5]:

Ժամանակակիցները հիշում են, որ նա ամեն ինչում ուզում էր մտնվել Լենինին, ընդօրինակում էր նրա մտքերը, նրա արտահայտությունները, քաղաքական գաղափարները հիմնավորելիս հենվում էր լենինյան դրույթների վրա [8]: Այստեղ պետք է կատարենք մի կարևոր հարցադրում. ինչպե՞ս էր, որ փառասեր Կոբան, որը չէր ճանաչում որևէ իշխանություն, որը մեծել էր նույնիսկ աստծուն, քանի որ ինքն իրեն համարում էր աստվածային, որը չէր հանդուրժում որևէ ուժ, որ իրենից վեր էր կանգնած, հիմա աներկբայորեն ընդունում էր մեկ այլ անձի, հասարակ մահկանացուի հանճարը և խոնարհվում էր նրա առաջ: Տակերը այս հանգամանքը բացատրում էր նրանով, որ «դա բոլորովին չէր հակասում իր եսասիրությանը և ինքնահիացմունքին: Ընդհակառակը, դա ուժեղացնում էր այս գծերը: Նախ, Լենինը կենդանի օրինակ էր հեղափոխական ասպարեզում բարձր դիրքի հասնելու համար: Եվ հետո, Լենինը համոզիչ կերպով ապացուցում էր, որ այդ ոլորտում բավական տեղ կա ոչ միայն մեկ հսկայի համար» [8]:

Այս դատողությունը շարունակելով՝ կարող ենք ասել, որ Լենինը, լինելով փառքի և համընդհանուր ճանաչման հասած մարդու իրական օրինակ, Ջուղաշվիլիի համար մարմնավորում էր նաև այն կերպարը, որից նա իրական կյանքում զրկված է եղել՝ հայրը, որի ուժի, հանճարի և կարողության առջև խոնարհվում է զավակը, հայրը, որին նա ուզում է մտնվել, որովհետև հայրը կատարյալ է, նա ուժեղ է ու պաշտպանում է, նրա հետ լինելը անվտանգ է: Լենինը Ջուղաշվիլիի համար դարձավ այդ իրական օրինակը, որովհետև նա, ամենից առաջ, մարմնացումն էր ուժի, այն կարողության, որով օժտված էին գրեթե ինչո՞ւնները՝ զանգվածների առաջնորդի, որի հետևից հավատով ու խորին համոզմամբ գնում էր դասակարգը: Եթե Լենինը, լինելով կենդանի օրինակ, նպաստում էր Ջուղաշվիլիի նույնականացման մեխանիզմի իրականացմանը, և կարծում ենք, որ դա իրոք այդպես էր, ապա այդ պահանջմունքի բավարարումը միաժամանակ հնարավորություն էր տալիս նրան բավարարելու մեկ այլ պահանջմունք ևս՝ ընդհանրության զգացումը (social interest), որևէ խմբին պատկանելու պահանջմունքը: Եվ պատահական չէ, որ Ջուղաշվիլին այդ ժամանակ ընտրեց արդեն մեծ ուժ դարձած բոլշևիկյան կուսակցությունը, որովհետև ուժեղ և անվախ Կոբան չէր կարող հանդուրժել թույլերին, թույլերը չեն կարող գործել, չեն կարող հերոսանալ, դրա համար նա ձգտում էր դեպի

ուժը, որպեսզի, նախ և առաջ, սեփական աչքում վերահաստատի իր հզորությունն ու բացառիկությունը:

Լենինի հետ նույնականացման ընթացքում, կարծում ենք, Ջուլաշվիլին իր մեջ ներառեց ոչ միայն անձնային հատկանիշները, այլև պայքարի և քաղաքական գործունեության բոլոր այն միջոցները, որոնք կիրառել կամ կիրառում էր նույնականացման օբյեկտը: Ինչու՞ նույնականացման համար ընտրվեց հենց Լենինի կերպարը: Կարծում ենք, սրան նպաստեցին մի շարք հանգամանքներ: Նախ, Լենինը ոչ միայն քաղաքականության մեջ կայացած և համընդհանուր ճանաչման հասած լիդեր էր, այլև օժտված էր մի շարք անձնային գծերով, որոնք արդեն ձևավորվել էին նույնականացողի մեջ (ծայրահեղ անհամդուրժողականությունն այլախոհության նկատմամբ, մարդատյացություն, քինախնդրություն, կասկածամտություն և այլն): Լենինը, լինելով իշխանության խորհրդանիշ, կենդանի օրինակ էր մարդու, որը այդ իշխանությանը հասնելու և կառավարելու միջոցների մասին յուրահատուկ պատկերացումներ ուներ: Միջոցներ, որոնք հետագայում Իոսիֆ Ջուլաշվիլին յուրացնելով կատարելագործեց՝ շարունակելով քաղաքական այն ծրագիրը, որը որդեգրել էր:

Ամփոփելով կարելի է ասել, որ նույնականացման գործընթացը կարևորվում է նաև քաղաքական լիդերի անձի ձևավորման համար: Անձի զարգացման ընթացքում նույնականացում կարող է տեղի ունենալ թե իրական սուբյեկտների, թե զեղարվեստական և թե երևակայական կերպարների հետ: Նույնականացման հաջորդ օբյեկտի ընտրությունը, կարծում ենք, կախված է այն բանից, թե ինչ հաջողությամբ է ընթացել նույնականացումը ֆալլուսային փուլում [9], որքանով է անվնաս և լիարժեք տեղի ունեցել «Ես-իդեալի» ձևավորումը և ինչ հարաբերության մեջ է այն մտել Ես-ի հետ: Երբ նույնականացման համար ընտրվում է արդեն կայացած լիդերի կերպարը, ապա ներառվում են օբյեկտին բնորոշ այն հատկանիշները, որոնք նպաստել են նրա քաղաքական անձի կայացմանը: Դրանք ոչ միայն օբյեկտի անձնային հատկանիշներն են, այլ նաև այն արժեքներն ու դիրքորոշումները, որոնք բնութագրում են նրա քաղաքական վարքը: Կախված նրանից, թե որքանով է արժեքային այս ամբողջ համակարգը ներդաշնակվում նույնականացողի Իրական Ես-ի հետ՝ պայմանավորված է նրա քաղաքական հետագա գործունեությունը և միջոցների ընտրությունը: Եթե նույնականացման ընթացքում պահպանվում է սրցակցային տարրը, ապա նույնականացող քաղաքական լիդերը պահպանում է իր անձով նմանակման օբյեկտին փոխարինելու ցանկությունը³:

³ Այս երևույթը կարելի է պայմանականորեն անվանել քաղաքական անձի «էդիպան քարդոլոթ»:

Ավարտելով այս շրջանի վերլուծությունը՝ անդրադառնանք մաև մեկ կարևոր իրադարձության: Ստալինի կենսագրության հետազոտողները նշում են, որ Լենինի հետ մույնականացումը լրջորեն թուլացրեց Ջուլաշվիլիի հոգևոր կապը վրաց ժողովրդի հետ [3, 8]: Ինչու՞: Այս հարցին միանշանակ պատասխան չի տրվել: Եթե Ջուլաշվիլին մեծ պահանջներ էր զգում մույնականանալու Լենինի հետ, եթե ուզում էր մամնվել նրան ամեն ինչում, ապա դա, անշուշտ, պետք է վերաբերեր մաև ազգային պատկանելությանը: Լենինը, արդեն թվարկած մի շարք հատկանիշներից բացի, մարմնավորում էր մաև ռուս ազգին, հետևաբար նրան մամնվել, նշանակում էր մաև դառնալ ռուս: Իսկ ռուս դառնալու համար, մախ և առաջ, պետք էր փոխել ընկալումները և ինքնագիտակցության համակարգից դուրս մղել վրացի լինելը: Սրան նպաստեց մաև այն, որ այդ ժամանակ Ջուլաշվիլին արդեն հասցրել էր վիճաբանել բոլոր այն վրացի հեղափոխական գործիչների հետ, որոնց հետ մա երբևէ համագործակցել էր, ինչի հետևանքով էլ Վրաստանի կուսակցական շրջանակներում ծեռք էր բերել կռվարար և անհաշտ մարդու համբավ: Վրաստանը այդպես էլ իր համար չդարձավ հեղափոխական գործունեությանը նպաստող միջավայր, թեև հենց այդտեղ էր մա սկսել իր քաղաքական գործունեությունը, սակայն դրանում Ջուլաշվիլին մեղադրում էր ոչ թե իրեն, այլ հենց Վրաստանին՝ դա բացատրելով Վրաստանի և վրաց ժողովրդի հետամնացությամբ, որոնք, ամենայն հավանականությամբ, նրա կարծիքով, չէին կարող հասկանալ նրա հանճարեղ մտածողությունը իր ողջ ծավալով: Դրա համար անհրաժեշտ էր, որպեսզի մա իրեն մույնականացնի Ռուսաստանի հետ: Ինչու՞: Նախ և առաջ, այն պատճառով, որ Ռուսաստանը Վրաստանի համեմատ ավելի հզոր էր ոչ միայն իր աշխարհագրական տարածքով, այլև մարդկային և նյութական ռեսուրսներով: Ռուսաստանը նրա համար այն միակ տարածքն էր, որտեղ մա կարող էր և պետք է ծավալեր իր հեղափոխական գործունեությունը, Ռուսաստանը մաև մարմնացումն էր այն ուժի, որին ձգտում էր Ջուլաշվիլին ու որի հետ ուզում էր մույնականանալ: Դետևաբար, մա ուզում էր մույնականանալ ոչ թե Ռուսաստան պետության հետ, այլ այն ուժի հետ, որն այդ պետությունը ուներ: Եթե նորից վերադառնանք նրա վաղ մանկության շրջանին ու նորից դիտարկենք նրա հարաբերությունները ծնողների և, հատկապես, հոր հետ, ապա կարող ենք նկատել, որ մույնականացման այս օբյեկտի ընտրությունը ինչ-որ չափով կապված է նրա վրա գործած ճնշումների և, հատկապես, հոր դաժան վերաբերմունքի հետ: Ծեծված լինելու այս վախը հետապնդեց նրան ամբողջ կյանքում, և ենթագիտակցական մակարդակում նրա մեջ ձևավորվեց որոշում՝ երբեք այլևս չլինել ծեծված, և հետագայում մա հասկացավ իր համար մի պարզ ճշմարտություն՝ սեփական առավելությունը հաստատելու համար

միշտ պետք է լինել հաղթողների կողմը, նրանց կողքին, մասնակիցն ու կրողը նրանց ուժի: Իր մի շարք հողվածներում հանդիպում ենք մեր այս ենթադրության ուղղակի և անուղղակի հիմնավորումների: Մասնավորապես, դրանցից մեկում կարդում ենք. «զարգացման տեմպերը ուշացնել, իսկ դա նշանակում է հետ մնալ: Իսկ հետամնացներին խփում են: Բայց մենք չենք ուզում ծեծված լինել: Ոչ, մենք չենք ուզում: Ի միջի այլոց, հին Ռուսաստանի պատմությունը կայանում է նրանում, որ նրան շարունակ խփում էին հետամնացության համար... Խփում էին, որովհետև դա եկամտաբեր էր և անպատժելի: Նրանք խփում էին և ասում «դու առատ ես, ուրեմն կարելի է քո հաշվին հարստանալ», նրանք խփում էին և ասում «դու աղքատ ես, ուժագուրկ», ուրեմն կարելի է քեզ խփել ու թալանել անպատիժ: Այդպիսին է շահագործողների օրենքը՝ խփել հետամնացներին և թույլերին: Դու հետ ընկար, դու թույլ ես, նշանակում է՝ դու իրավացի չես, ուրեմն քեզ կարելի է հարստահարել և խփել: Դու հզոր ես, նշանակում է՝ դու իրավացի ես, նշանակում է քեզնից պետք է վախենալ: Սիա թե ինչու մեզ այլևս չի կարելի հետ մնալ» [7]: Այսպիսով, Ստալինի ձգտումը իրեն նույնականացնել Ռուսաստանի հետ կարելի է տարբեր կերպ մեկնաբանել: Մի կողմից այդ նույնականացումը անհրաժեշտ էր, որպեսզի ամբողջաբար մեկ այլ նույնականացում՝ Լենինի հետ նույնականացումը, մյուս կողմից հոգեբանական նույնականացման հիմքում ընկած էին նաև քաղաքական դրդապատճառները: Այսպես, ընտանիքում հոր ազդեցիկ վարքը, պարբերական ծեծերը, Ջուղաշվիլիի մեջ ձևավորեցին այն պատկերացումը, որ խփել կարելի է և պետք է միայն թույլերին, իսկ մանկուց նրա մեջ առաջացած վախը ծեծի նկատմամբ նրա մեջ ձևավորեց ևս մեկ համոզմունք՝ չծեծվելու, չճնշվելու համար պետք է ուժեղ լինել ոչ միայն անձնապես, այլև պետք է հարել ուժեղներին, ընդունվել նրանց կողմից իբրև հավասար և դրանով ապահովագրել սեփական ես-ը ճնշումներից: Ցանկացած մարդ պահանջում էր ունի պատկանելու որևէ խմբի, որովհետև այդ պատկանելությունը անձին տալիս է անվտանգության, պաշտպանվածության զգացողություն, իսկ ազգային պատկանելությունը մարդուն տրվում է ի ծնե և ապահովում արմատներ ունենալու պահանջումը: Հետևաբար այն հանգամանքը, որ Ջուղաշվիլին այդքան հեշտությամբ հրաժարվեց իր ազգությունից, պայմանավորված է ոչ միայն վերը նկարագրված գործոններով, այլև, կարծում ենք, նրանով, որ մշտական ձգտումը հզորության, ուժի նրան չէր կարող թույլ տալ ընդունելու այն խմբին, որին նա պատկանում էր ծննդով, հիմնականում այն պատճառով, որ Վրաստանը նրա աչքում անհաջողակ էր իր պատմությամբ, մշտապես ծեծված ճակատագրի կողմից, ինչպես ինքը՝ Սոսոն, թույլ, փոքր և անկարող պետություն, որի հետ նույնականանալը, որի մասը լինելը միայն

խոչընդոտում էր նրա «բարձր առաքելության» իրականացմանը: Վրաստանի կողքին նա տեսնում էր Ռուսաստան՝ մեծ իր աշխարհագրական տարածքով և հզոր իր ներուժով, ինչն էլ նրան հնարավորություն էր տալիս բավարարելու արմատներ ունենալու պահանջմունքը: Ուրեմն, մտածելով, որ եթե ուզում ես լինել ուժեղ, պետք է լինես ուժեղների մեջ, նա համապատասխան ընտրություն է կատարում իր ծագման ու իր ես-ի մասին սեփական պատկերացումների միջև: Փոքրիկ և թույլի նկատմամբ արհամարհական վերաբերմունքը պատճառ դարձավ իր ազգային պատկանելության ժխտման. նա չէր կարող իրեն համարել վրաց ժողովրդի մի մասը և հաճախ էր հեզմանքով իր հայրենիքը անվանում «սովետական տարածքի ինչ-որ պատառ, որ կոչվում է Վրաստան»:

Գրականություն

1. Адлер А. Наука жить, Киев, Port-Royal, 1997. — 288 с.
2. Арутюнов А. Досье Ленина без ретуши. From <http://www.vugnet.ru/biblio/archieve/>. 22.09.2006.
3. Бердяев Н.А. Истоки и смысл русского коммунизма, Москва, "Наука", 1990. — 224 с.
4. Диллигенский Г.Г. Социально-политическая психология, Москва, "Новая школа".1996. — 352 с.
5. Ленин В.И. Полное собрание сочинений. From <http://www.vugnet.ru/biblio/archieve/lenin-1/>. 22.09.2006.
6. "Родная земля", N 1, 1926. 1 апреля. С. 6.
7. Соломон Г.А. Вблизи вождя; свет и тени (Ленин и его семья). <http://www.vugnet.ru/biblio/solom/>. 14.05.2006.
8. Сталин И.В. Собрание сочинений. Т. 13. From <http://www.vugnet.ru/biblio/archieve/stalin-13/>. 22.09.2006
9. Такер Р. Сталин. Путь к власти 1879-1929, Москва, "Наука", 1991. — 313 с.
10. Фрейд З. Очерки по психологии сексуальности, Минск, Попурри.1997.-480 с.
11. Balabanova A. Impressions of Lenin. University of Michigan Press. 1984. p 29-30.
12. Iremaschwili J. Stalin und Tragodie Georgiens., Berlin, 1932.